

QVÆSTIO MEDICA

273

CARDINALITIIS DISPUTATIONIBVS EXAGITANDA IN SCHOLA

lis Medicorum die Iouis 19. Februarij Clarissimo viro M. Nicolao Iabot Doctore Medico

moderatore prudentissimo.

An vt autumno melancholicè faciliùs fiunt, ita curentur?



HUMANIS corporibus contenta si naturæ legibus tenentur, sanitatis conservatrices: sin de naturæ bonitate multum decedant, morborum effectrices cause fiunt: quæ ab evidentibus, externisque necessariò dimanant. Harum aliæ materiam suggerunt, alimenta, excrementa: aliæ duntaxat immutant, solasque qualitates impertiunt; vt aëris, & occurrentiũ intemperis. Illius inspirati, & circumfusi, quam ceterorum ad insigendos morbos efficacior vis est. Hi vel à substantiæ vitio, vel à subita insolentique mutatione, vel qualitatum immoderatione nascuntur, quæ in perenni, alternâque tempestatum anni vicissitudine maxime elucet. Naturam enim si seruant, ratos, et constantes morbos efficiunt: sin aduersis qualitatibus immutentur, alios alius temporibus conuenientes promouent.



Vnde omnes, omnibus quidem temporibus, quibusdam tamen quidam magis fiunt, & exacerbantur. Autumno frigido, secco, inæquali, corpora afficiuntur: affinemque intemperiam humorem melancholicum (lienis alimentum) vberiore alunt: qui suis quoque morbis, ea cum in vniuerso, tum in singulis partibus, vel suo ipsarum sensu, vel aliarum consensu malè affectis, reddit obnoxia. Hinc quartana febres, morbi comitiales, furores, melancholica pathemata, quæ mentis alienationem, simul & imaginatiuæ facultatis deprauatum vsum, cum metu mæstitiæque perpetuis comitibus præ se ferunt.



AFFECTVM hunc tenebricosum, cerebrum parte sui maxime priore, nullo febris assu, à solo primum phâta sinatæ, tum à spiritu, tandè ab humore exsuscitatum suscipit. Illud ob conceptum alius animo maiorem, cogitationem multiplici fictitiorum genere perturbat: quæ vt nulla adstante materia obfirmata, sic conficta ex aduerso, prudenter rationes faciliè discutiunt. Non ita si illa mentis simulachra, ab animali spiritu (uapte natura, ex impuro vel aëre, vel vitali spiritu, caliginoso pendeant, qui cordis calidam, vel frigidam intemperiem (ab illa ferina, ab hac melancholica deliria) consequitur. Ea est prima melancholica insania, quæ cerebrum licet intemperie laborans (nunquam immediata huius causa) afficitur: quæ aliunde succrescente, & impetente melancholico humore inualefcit.



DIFFVSVS hic per venas in vniuersum corpus, vel huius, vel hepatis alterutram intemperiem arguit, quam prauorum alimentorum frequentior vsum auget. Si inferiori ventri subsideat, à liene, mesenterio, vtero, ventriculo, fouetur: cuius osculum superius, humoris contagione perpetuò conflictatur. Hinc hypochondriacæ melancholia feruidior, flatuum murmuratione, ructuumque odora expiratione, quibus lenatur, insignis. Humor ille, huiusve vapor, cerebrum subiectarum partium excipiendis damnis obiectum, persuadens, animales spiritus inficit, obtenebratque: qui si emergat, ventriculoque eius subeat, epilepsia, maligna aura nõ expertè, solet committere.



PRESIDIORVM alia, detrahenda materiæ morbum committentis, vel emendando huius vitio, aut intemperiei remittenda, conueniunt. Hæc assumptis, admotisque contrariis perficiuntur. Illa sectione venæ: in affectu primario, capitis: totius consensu, alterutrius brachij: hypochondriorum, crurum, patente foramine exhauritur. Ad eundem vsum pro triplici ea differentia, cathartica leuiora; vehementiora raro, in protopathia, capiti potissimum foris ad mouenda vsurpantur. Quæ summus corporis partibus inherent euocandis, tutissima diaphorisis est, vt balneum, quod ei quæ per consensum totius fit, tepidius instituitur. Quorum medicamentorum vsum, tum affectus imminuentis præcautio, tum geniti curatio, autumno quo tempore sæpius occurrit, faciliùs vsurpari demonstrant.

Ergo vt Autumno melancholicè faciliùs fiunt, ita curantur.

Proponcbat RICHARDVS MARCES Parisinus

1598.

